

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



近代中國史料叢刊第五十一輯

沈雲龍主編

肅藻遺書

胡發琅著

文海出版社  
印行

蕭藻遺書

W 208  
#

0702

WT 208/0202



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>




敘

敘曰古者道之與法學之與治皆出於一先王垂之掌故以建國垂統人安萬民者也士者民之秀先王以爲可使習掌故佐人主建國垂統又安萬民士亦以掌故自進故一代之道之法之學之治皆一代掌故之所備也先王所以造士與士之所以盡心如是而已自德薄世衰官司失守掌故散亡士始以私智自鳴戰國之際諸子百氏蠡出雜興然其所爲術尙託於官司掌故之遺可見諸實用與王政相表裏淵源流別可攷而睹也厥後去古愈遠先王之澤愈微六家九流寢以衰滅而

獨以儒稱壹  
虛無用靡而  
而已卒其所  
窮於四海博  
之學實事求  
下教類不出  
泰西格致之  
效爲制作以  
之恥也贛興  
據詞章皆涉



休休然尤究切 昭代典章制度生民利病漸可施行  
其意不至於古之所謂士不止也年二十有九遽以徂  
化悲夫天地氣散川嶽之德衰俾君之所學末由昌顯  
於世以漸合於古以風當世之士以箝泰西擲揄之口  
蓋非余一人之私痛已君既沒之九年中第發珠泣然  
手澤蒐輯殘墜授刊長沙凡雜文五篇詩十有八篇尺  
牘一卷信遊脞記一卷格致芻言一卷余略校脫誤最  
述指要列之篇端以明君學無所成箸書之未就庶後  
之人有攷云光緒十三年冬十二月



胡發琅傳

湘潭羅正鈞纂

胡發琅字肅藻贛州興國人也父森俊晚始習儒術生  
發琅兄弟五人興國僻萬山中無師說舊聞以資講習  
發琅潛心孤學於兄弟自爲師友爲人凝靜少耆欲口  
不道人過獨抑斂爲淵默之思年十三補縣學生又九  
年李學士文田督學江西選充拔貢生始常好爲詞賦  
久之以爲國家需才于士士儲才以待用迺徒競于浮  
靡綺麗之作甚無謂也于是輟不復爲而博求之九經  
諸史縱覽漢宋傳注及近代通人成說考論得失不心

研慮不蹈譏毀攻擊之習而內益飭厲躬行常與諸弟  
書曰天下紛紛惟私爲害耳私故爭爭故亂小之爲睚  
眦訟獄其禍亡身喪家大之竊奪悖逆至于糜爛天下  
兵甲數十年不休害百而所以爲害一也我輩自立正  
當于家庭之際絕其萌芽願諸弟日省之也江西山澤  
之國尤恃種棉紡織爲生計紡以一手轉輪而以一手  
度其紗窮日力不能盈握發琅憫其長勤無效乃造爲  
長枷而置輪其旁使四面皆可約紗別施機關以手足  
幹運事逸而兼數人之業人服其精嘗登廣信城尋異  
時寇所梯入處發琅謂同行者曰子勿言姑以意度之

至城西北隅曰必是也其人驚問其故曰城凸出數十步無礮臺又池淺可涉賊突至無以俯擊左右莫能救護以是知之發琅既究觀古今之篇籍迺稱曰詞章未能廢文以載道而已考據未能廢求有益于人而已于是益致思經世之業以爲國命莫重于河漕國用莫大于鹽礦通中外之務莫先于麻算皆次第研覈期可見之行事專用心于內以求知于人爲大恥人士亦多推慕之唯義甯陳三立讀其書以爲劉獻廷唐甄之流也然發琅志願宏大所業又條理繁重無涯涘非綜圖籍積時日不能通貫而發琅用力專猛又恃精氣過絕人



遂欲舉無窮之業要成于旦暮心敝精耗至于身死而無所成就既發病猶爲學不衰已亟迺曰少日困于奔走欲少憩而病迫之學之不成命也夫陳三立毛慶蕃日夜守之執手語斷續不可辨最後曰君輩爲天下勉之遂卒年二十九著書多屬草未就存者乘除臆說句股拾遺格致芻言信遊脞記各一卷詩文凡二十三篇第發珠刻以傳焉

贊曰經蘄致用學瘡愚蒙唯博返約人靈迺通胡生亭亭縱志於密鍊心攬道運精幾物力瘁途遙神延身屈懷詠芳聲流連遺帙

肅藻遺書卷一

文

贛興國胡發琅

治河上

河爲人患乎抑人爲河患而已以今日言之河誠爲人患求其患之所自至未嘗不慨然於人之爲也河之爲河病二焉而已曰決與溢決職河之湍溢職河之濁而令其湍遲於隄而決則毋亦唯是濁故夫河源遠而東之久此其力疾無古今一也若乃其濁則潘氏季馴曰禹之河未必如今之濁以今推古知其爲不易之論也禹貢言九澤旣陂九川滌源川不言陂禹之河未隄防

三月廿五日  
可知故殷都五浸於河僅徙以避之而賈讓言隄防近  
起戰國假河如今濁雖曰禹河廣能使之不橫出奔潰  
獨何術去填闕而禁之不盈而千餘年不失故道河濁  
而海口必有積沙今沿海千里恃以無邊恐而碣石九  
河之地齧於海水淪沒無遺迹今有積沙而得然乎秦  
漢雖漸濁然猶大愈於今河堰輒引溉田疇如今之河  
逆之而沒其可以灌浸乎且夫天地不變水土未易而  
河有古今清濁之異者何哉季馴之言曰豫州土最疏  
禹河止經河南一郡而今并開封歸德數郡經之是大  
不然豫州之河其失禹故道者皆嚴隄密防載行地上

它水無由仰入若止河身土疏刷之數年而盡矣安得  
數十年益甚乎且豫河土疏而下流受其濁則豫河宜  
日深何以積高無已乎論者又曰井田壞溝洫廢耳然  
令今墾溝洫如井田仍無救河之濁何也溝洫以行水  
非能容之不去霖雨之發水有所歸而不淹被農田則  
溝洫之利若泥雨而下終歸於海止耳溝洫如之何然  
則何以故曰古河之不濁者井田而外草木繁殖根株  
糾結毛地相拖自阡陌開而地不必井者亦被耰鋤又  
其後乃登山臨水經營畚鍤無少間材木之需樵蘇之  
采不待禹之刊益之烈而彌望濯濯土失其蔽雨至而

隨之去矣惟山尤甚西北土疏多山今日而求河不濁  
雖造化無能爲力而其禁之不能易之不可者生齒之  
日蕃求食需用之無所不至雖如此而日猶不給蓋時  
則爲之矣雖謂之人爲河患未爲過也今之論河者乃  
嘵嘵然動以禹爲言曰禹岐河於漯疏九河於兗河利  
分又曰禹於河導之而已不與水爭地河宜廣是知禹  
治河不知禹河知今治河非禹不知今河非禹河也執  
古方而醫今病惡得而不誤天下哉然則如之何曰古  
之河患於湍今之河患於濁治濁之患較難於治湍惟  
守季馴以隄東水以水攻沙之法無反古以爲貴無立



異以爲高則人雖爲河患河猶能自治其患

治河下

天雖愛人恆出其禍患以爲君相之憂民物之災而勵其情願當其盛時天下莫能誰何時易勢移要無不弊極而自返若外戚方鎮宦官女子戎狄寇盜之乘隙伺釁其盛衰興滅蓋灼然可考涸閭閻之脂膏竭億兆之筋力以冀須臾免死無有已時者惟河而已然則河無足令終不決溢乎曰未易言也不敢謂其必不可顧貧則難爲議耳夫河之決溢無不由淤澱而底高孟津以上之河水猶孟津以下之河水也禹導以來未聞有潰

敗奪流之害其崖岸之逼東有以激之使必不淤耳自  
潘氏爲束水攻沙之議雖孟津以下可無決溢而決溢  
相尋未已者非其說之不可恃也未有高必不可踰厚  
必不可破之隄使如孟津以上之崖岸以待異漲於是  
上決則下淤淤則終復決耳誠乘民物安阜帑藏充斥  
之日測最高之海口引至直之水道按潘氏縷隄距三  
百丈遙隄距千丈之法和三合之土而覆以土或石取  
最坦之涂築倍高倍厚之隄護之以柳葦逼之以對壩  
固之以放淤而嚴之以防守勤之以修補雖如孟津以  
上可也或曰隄雖崇厚卒安能令如山曰所異者防守

修補耳若其不可壞則固有明驗土惟豫州爲疏自明  
以來益其隄之高厚道光以前數百年不數見患患乃  
在徐邳以下徐邳以下最險且要者無如王公隄自明  
人高厚其隄亦始終晏然此獨非隄之是恃乎然則遂  
一無患乎曰否否隄能束散漫之流不能禁潮汐之上  
潮上而流緩流緩而沙停海口淤則遞淤而上本朝河  
未北徙以前患恆在宿遷桃源清河之境雲隄關外雖  
屢續長隄曾無救於海口之淤是去河之淤隄之力有  
餘去海口之淤隄之力不足也然則海口終不可治乎  
曰否否潮汐往來人無立足第非可以人力濬耳然則

泰西人鐵箕乎曰積淤汪洋數百里升斗焉而抒之謂之以蠡測海而已海自容沙安用挹之安用載百十里而徙之然則鐵篋混江龍乎曰三尺童子戲耳千石之舟下百斤之椹驚風怒濤不之動欲以區區數人之楫曳行數百斤之鐵泥沙中前人試之屢矣夫奚足云然則如之何曰水有大力物莫與竝潮汐上下自有往來之用然石隄十丈而水潰之泥沙虛浮而水不能去者隄激水水專趨隄沙讓水而水順下不專趨沙耳夫水入深而愈疾立罌而盛水穴上洩之流必緩穴下洩之流必迅其積壓之勢然也利天下者莫妙於因欲治海

口之淤宜在截水空其下因水之下趨而攻沙因潮汐之往來而以次深刷其法結木筏廣袤二十丈許中列橫閘闊廣丈高視所欲濬之數閘各三足足高二尺著一犁鎮巨石而下之犁入淤而筏止水禁於閘則怒而趨其足淤去犁露而筏進得淤又止犁露又進久淤堅結水不易攻者犁以漸進之力耕之而水乘其隙左右閘斜行如翼以受水而禁其旁注潮至起閘隨之上欲止欲左右以旋由淺及深由下而上以次遞刷數十里置一筏分地而課其功以此視人力所爲吾知費不及十一而其功相千百也昔謝氏欲令舟尾懸披水版曳



鐵籠布水攻沙其意良美然數尺之版障水水必旁趨  
且鐵籠滯於數丈之下版障於數丈之上籠欲止而版  
欲前無以使之相持爲固版必折舟必危而又欲以治  
潮汐不及之河而乘風以上則亦當知其難矣由前之  
說河之淤免於上由後之說河之淤免於下雖歲修未  
能盡去生民昏墊之憂堵塞不貲之費以人事言之庶  
幾其衰息乎

埧因濬圖說

因濬之制結木爲筏中筏懸閘旁斜向後爲翼閘閘爲  
三足足著一犁閘底懸長石前筏綴索上抱閘顛踰後

筏後筏挽軸挽之謂之面索閘底綴索一端懸後筏後筏亦設挽軸挽之謂之底索

因濬之用橫閘以障水之直趨翼閘以束水之旁注犁以止筏之行而激水亦以破久淤之堅土而閘衝刷之道鎮石以下閘挽面索助之底索以起閘且防怒濤之折閘

筏木二三層長廣三十丈或十六七丈堅結以備風濤閘廣一丈高丈五六尺疏濬淺深更作三四丈者閘間前後各立大柱爲架架高五尺各有斜柱支護之前架爲活鍵可卸以備修閘閘間母廣廣乃洩水爲數鐵板

厚寸許以聯前後之架與筏闌底橫貫長石鑿孔以  
足闌皆刻尺寸以記入水之數橫闌十五六翼闌左  
各二三

足體高四尺犁長三尺許皆鐵爲之合爲一體足爲  
而犁爲枝足上二尺爲管銜闌之一木二尺出闌下  
其下端犁形三稜脊稜向下亦銳其端

闌頭設小滑輪以利面索之挽闌中足綴底索而左  
足各小索會之以防脫失後闌三尺許各設轉軸一  
一端設踏輪輪爲踏位三軸徑一尺輪徑四尺則三  
踏之得十二人之力每一踏位間以攀輪令手足并

得力尤多而底二索同一轉軸更迭爲用惟底索止以此轉軸起閘若下閘之後緊挽閘底以禦怒濤則退後三丈許別設一轉軸挽之乃得力不必踏輪筏畱一縫爲底索進退之地

大橦四方各一小橦四隅各一皆有轉軸欲止下大橦欲左右下小橦

筏兩旁設候潮鐘其制橫樞貫木下端入水上端設機潮消長皆自鳴

測水舟二前後測水以橦下閘之尺寸考濬深之數兼插竹標以識濬路

筏上司號令一人守指南針指揮行止左右升降司閘  
十八人每三人舉一閘自中及外左右對舉下閘亦然  
司旋每小旋二人大旋三人筏進則後司二小旋者恆  
守筏退則前司二小旋者恆守大旋用稀皆臨用集人  
測水二人木工鐵工各三人以備修理自司號令外諸  
色人皆以司閘人爲之事不並舉可以兼攝也如欲省  
費雖止設六七人無不可特風濤危險不妨稍廣備救  
護耳

駕法先下旋測水深若干下閘挽面索按令入沙俟水  
攻閘下沙尺餘犁入沙復數寸乃結面索使閘可下不

可上退曳底索緊挽後軸潮將至先一刻曳進底索就前軸挽開起澄沙以待隨潮退上欲止下旋或不欲退則下旋以待潮潮落下開

因濬之法行之諸川海口無不可若潮汐不及則惟黃河一節偶淤欲闢引渠或可用以沙細噴之可數里不沈也然亦止可一二閘至則卸而舟載以上筏用活鍵取易卸

士習

耕焉而後食織焉而後衣宮室器具焉然後人不露處而徒立耕者謂之農織而作者謂之工通其有無遷其

貴賤謂之商賈舉天下之人營營於終日無非相謀於口腹百體之間而衛其生也惟士不然不耕而食不織而衣不作而宮室器具不販鬻而用罔不備取罔不給而農工商賈莫之敢非豈有他哉民逸居而無教則近於禽獸其極將耕焉而不得食織焉而不得衣作焉而不得用先王憂之設之官師建之學校擇其秀者以爲士而教之以儲爲治民之材故士貴則美政於上而賤亦美俗於下皆所以利民而衛其生無愧色於農工商賈也虞夏商周率以是教士士亦以此自程戰國兩漢雖亂於異端邪說然猶莫不假名於修身持世不敢公

然爲無益之行晉以後乃羣趨詞章考據之末飾虛浮  
瑣尾之語以爲文業注蟲魚析形聲一字之爭猜猜未  
已以爲篤實之學又旁及於書畫技藝之細以炫其才  
要皆內無涉於身心外無與於世道而天下之士仰之  
如泰山北斗慕之如蠅逐臭其一無所解者羣從而詬  
病之彼亦自恨其陋而無以自容至今日而愈甚四海  
之大冠帶之眾舍此無所謂士嗚呼彼其所食何獨非  
農之所耕彼其所衣何獨非女之所織所庇而處需而用  
何一非百工之所造作享天下胼手胝足勞心瘁力之  
奉而以成其遊戲之藝浮薄之名吾見其爲萬物之蠹



而農工商賈之罪人耳以此掇科目膺民社無怪其殃  
物病民流毒天下而戎狄之患乘文弱之虛而入也請  
正其弊曰詞章未能廢文以載道而已考據未能廢求  
有益於人而已聖人復起當不易斯言

族田議

三代以上無叛民有之自秦始不惟其君之虐用之也  
井田廢而有甚貧之民無生人之樂可惜之身家一夫  
首難烏合響應輕其死以快一時之忿雖僥倖以苟得  
其欲雖不其叛而多行不法以爲民害固已有刑之不  
足禁教之不足化矣此眾人之所惡怒而聖人者之所

惜也孟子曰無恆產者無恆心信夫然則井田可復與  
曰否否限田均田行之必且驚然而況其井田也自生  
齒之蕃開阡陌墾餘地山巔水涯樹藝之無隙地天下  
猶日有餓殍安得皆賦以可井田者國邑變而郡縣吏  
視其官如傳舍君民之相去如人之於天而欲取與其  
田日變月易之安得而不擾故雖限田均田不可行也  
且夫人苟稍自力三四口之家日用衣食之給無不可  
求無恆產者之所苦要在嫁娶喪葬之遭就塾與試之  
費食指之繁凶歉之歲與夫寡孤衰老廢疾之不得其  
養耳今天下而欲均民無貧富雖堯舜不能如欲姑救